


沈乃文主編

明別集叢刊 第四輯

第九十六冊

黃山書社





國家出版基金項目
NATIONAL PUBLICATION FOUNDATION


「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第四輯

第九十六冊

黃山書社



(明) 繆國維 撰

繆西垣先生文集十一卷

清康熙繆氏刻本

東鄰蓬仙陶子購得西垣先生文集
 述奚穀農部族祖也田持贈農部珍
 臧時立宣統辛亥後十年壬戌中秋前
 目計訂六本分十有一卷附錄缺
 趙中伯玉齋甫記

西垣先生文集 六之一

題詞

嗚呼先王父未彌月而孤孤而又貧先曾祖母撫之教之不遺餘力先王父自幼卽好讀書至老不倦嘗聞之先大夫曰吾父一目十行俱下專攻禮記手錄註疏甚夥今有禮記哀言句批字解手澤如新十三經最喜孔穎達正義二十一史皆熟背尤喜班固漢書操筆而閱者凡六次諸子百家以及天文地理陰陽術數醫卜農桑諸書無不畢覽尤喜韓子淮南子二家今家藏書籍無論百卷或十數卷皆經批閱曰使我後人不得易餅餌市中也先王父之嗜書如此宜其著作之淹貫非淺學所可窺其涯涘矣康熙乙丑九月孫男翰林院侍講彤識

西垣先生集

題詞

一

繆西垣先生文集目錄

第一卷 序一

廣東鄉試錄序

恩選貴州貢士齒錄序

蘇松武舉鄉試錄後序

代

觀風錄後序

通鑑捷徑評解序

許叔子制義序

題抑菴小草序

孫子蕃刻禮記稿序

西垣先生集

目錄

一

第二卷 序二

兵巡道大叅碧海李公入賀萬壽序

送房國柱郎中擢山西大叅兼僉憲序

贈虛臺吳寅丈榮遷政和令序

賀鎮樸戴君閩省大叅兼領僉憲序

代

濰縣郭侯考績贈序

賀錦衣衛陳君榮捷武闈拜指揮同知序

贈邑侯江淥蘿先生榮擢銓部考功序

奉賀振岡楊君新授湖廣武陵三尹序

贈獻可查君北遊太學序

贈穹玄照微二上座祝髮受戒序

第三卷 壽序一

大司寇華翁徐先生暨元配劉夫人七表序

賀大司馬震翁楊先生八十榮膺存問序

觀察恬宇朱先生六十壽序

壽四湖施先生七十序

壽敬齋陳先生六十序

壽蘭臺欽先生六十序

賀大銀臺徐文翁暨元配馮夫人偕壽序

壽愛林舅氏五表序

西垣先生集 目錄

沈君桂宇偕吳孺人四十序

第四卷 壽序二

申相國元沅封一品吳夫人六十壽序

誥封金太母顧淑人八十壽序

張母潘太夫人八十壽序

沈母張太孺人七十壽序

誥封陸太宜人七十壽序

徐母某太夫人七十壽序

代

壽石母李夫人序

壽顧母許夫人五表序

壽莊母劉夫人七表序

第五卷 論

理財以養民爲先論

辛丑會試

大其心則能體天下之物論

八角磨盤論

課見

第六卷 疏表啓記題跋箴贊

懇恩復姓疏

懇賜旌表疏

缺

西禪寺重建山門正殿募緣疏

重修法界寺佛殿募緣疏

西垣先生集 目錄

曇瓢菴建白衣送子觀音閣募緣疏

募葬同年瞿北野疏

擬唐命翰林學士陸贄條奏當今切務贊引

易否泰損益以對上褒納之謝表

辛丑會試

答司理某公啓

長洲邑治馴鵲記

重選白鳳館續集題辭

徐長源刻禮記文跋

御史箴

三教圖贊

第七卷 行狀 墓誌銘

明誥贈武畧將軍錦衣衛副千戶隆山陳公

行狀

誥封太淑人徐母李氏行狀

先考文峯府君暨先妣張孺人行狀

周處士景草墓誌銘

第八卷 祭文

祭文學鄭拱山文

祭池州章府君文

祭太學王孝則文

西垣先生集 目錄

祭四川右藩曹公文

祭雲南副使喬公文

祭屈封公文

祭楊懷萱文

祭同年某君文

祭某翁文

祭某翁文

祭某君文

祭方母周碩人文

祭師母某夫人文

祭張母吳夫人文

奠劉母周太安人文

第九卷 尺牘

致周懷魯撫臺

與某

答某令

與某年丈

與某

致吳求峯

致蔡虛臺兵備

致徐夢麟

致常熟耿明府

致王澄江

與曾堂芾

與毛具茨

復金崑源

與孫昌裔

西垣先生集 目錄

與馬中騶

與某

與王百谷

答卜神元

與潘鵬江老師

與某

與某

與史樹德

與某

與某

與某

致田慕山揮使

致陳蓮塘權部二首

與某

與某

致毛具茨

致杜象玄

致馮盛典運使

與某同年

答曹周翰

與吳縣令

與郡守

與某

與某

與某

答潘是仁

答某

與高筠一

與某令

與某

與按臺房素中

上馮北海老師

第十卷 公移

更定黔中四驛買馬議

覆看都清道二議

沈按臺發司具詳

守黔設兵餉屯田馬政條議

西垣先生集

目錄

六

驛遞錢糧徵解議

覆清平驛馬議

覆議思仁道平清偏鎮四驛馬政詳文

守黔糧驛禁約

議新添叅將改銜

議定各營額規

議優卹禁約

議甦驛困

請調兵駐劄龍新

公移履歷

第十一卷 補遺

黔中籌餉遺牘

附跋二

附錄

誥敕六道

敕書一道

皇明通紀

一則

江南通志

人物傳

蘇州府志

人物傳

吳縣志

人物傳

明大叅西垣繆公墓誌銘

附跋

西垣先生集

目錄

七

西垣先生誄詞

西垣公行狀像讚

祭大叅公文

附跋

溫州府紳士赴院道保留呈

溫州府紳士議建生祠報德呈

蘇州府學吳縣學兩處崇祀鄉賢錄

福建泉州府南安縣崇祀名宦錄

貴州平越貴陽二府崇祀名宦錄

繆西垣先生文集目錄

終

繆西垣先生文集卷一

孫男 彤編次

序

廣東鄉試錄序

皇上御曆四紀登賢罔勑歲屆賓興裹輪馳求使者分部校之冠蓋相望於時宸闕經始臣國維職隸將作尋斧是共上戒勿亟屬禮官疏名請校宿表俾輟監工副計臣啓聰往臣愚惴不任拜命祇役冀蒐環品以稱薪樞藉報萬一切孳孳心禱則乘傳抵粵受事遞試至三閱旬至再戰藝衡先之

西垣先生集 卷一 序

士畢奏於前矢公殫忱一一吹竽而聽之不遺餘鑒矣嗟乎士抱才者固急求知乎未如臣之急才甚也扶輿清淑孕而爲才精英集於心而靈氣吐於文養或符之衷或旗之古有從容數言槩生平於把袂之頃者記曰事君先資其言拜自獻其身以成其信言豈粉澤羔雉爲梯進獵榮之具已乎陳謨不媿其躬修籌畫不疎於世用有先言而定後言而讐者纚纚涌胷中之思揭其肺腑懸之紙上平陂之質在於神靜躁之決在於氣明闇之徵在於識彊弱之植在於骨按牘射覆洞於隔垣士

於何逃鑒哉邇者歲塵詔旨懲士習之囂飭文體之浮詎斤斤於經生言重爲之坊柢恐因言而迷謬本始沿染末流直鍼其心術政事受病之根耳夫莊語篤論體氣高亮必其仗節抗直爲時砥柱者也浮說靡辨詭詭移游必其環主圖私與俱上下者也漢廷之對舒以正弘以和非必詭於正無亦曲學微阿於始進乎聞之士有一定之論女有不易之分貞女始字必曰幣誠辭腆矧以修士而拜先資之信慎辭哉如韓非說難其揣摩希合可不謂工哉然俛仰微逐必且違心贗售易操詭

西垣先生集 卷一 序

隨還質所懷來誠信之謂何以此詰其隱抱策其後豎奈何不貽世道憂亟釐正是程乎臣肄於工以臣之事觀之榱棟楹桷庀材不同期於聳構連薨椎斲礪埴營藝不同稟於尚方成制禁奇淫亦黜苦窳規萬懸式尚有典刑國初麗厚昌明之氣開朗而淳涵曩喆扶翼景運縣制科起者必崇雅必程古厥後踵式而增華貌質而淪素雕績溺心浮詭煽習淫於其末矣聖天子明德注嚮久道漸濡嘉與還醇卽書訓梓材勤樸斲而施丹雘者曷尚焉士所不灑心更始壹稟功令而仍逐頹趨若

驚則散木已耳塗飾青黃而脉邪中液匠氏何采焉今獲僞於粵各表其豐幹而熨裁就矩贊業具在率標本經術曉暢時籌斌斌蒼五嶺之選已士結軫觀光階此登庸可以開拓自廣要須堅貞自信古之君子必能信而後仕必信而後君可諫民可勞永肩信心以騁修途真儒名世之業植基無壞矣精英之孕也鍾於人爲秀民偉哲鍾於物爲珠璣璚翠盱衡粵勝包絡山海或意其精闕洩於人而饒結於物否否非與粵中先獻奕奕山川映帶桑梓景行者北方未之或先臣不具論諸士試借以自激其亦夫有奮心競砥志業鬱資旂常爲耳食者一洗之而波及臣以知言之譽則臣之屬願奢士之分豔侈也且他省會歲抱公車牘待次南宮者率區別材產差署制額爾粵介服炎徼必進而與諸望國比耦程鵠不以儷驂中駟則粵材自視與國家之視粵產均所厚期已今當其學與仕之關爾多士抱藝而往盟心伊始臣申醮勸駕相與範所不軌堅所不貳標是指也儻亦諸士策足之鞭影乎謹序

恩選貴州貢士齒錄序

國家廣厲學官之路於以作人登俊纒纒功令至殫悉已蓋餼給衿髦之選類首受業俾無虞於膏晷輒三歲隸試之省闈大比之南宮乃又未已循餼廩久次合郡衛州邑之庠歲登一人遇有大慶推廣歲額彙選拔尤以膺貢入都其大指在申經術經世務冀由是得人爲縣官用歲庚申主上冲齡踐祚祇承先皇遺詔嘉惠庠序蒐逸彥疏淹滯限格食廩歲淡十人以上 考行誼經術無害始得預名充試蓋綦重也余代置謬攝學政則黔士之應貢者奉檄麋集省會矣闔扉臨校矢公恪恭西垣先生集 卷一 序 四

越宿竣役獲薦者詮次齒錄相率造請微一言弁之簡端余按故事領其請進語之曰而來前諸生亦知而之不易有今日哉自而束髮受書砥行歲糜供餼以佐若讀濡首於陳編服膺於師訓蠻觸於戰藝衡先之場久儲之者正欲厚其蓄歷試之者正欲礱其才制科之拔猶虞撫境驟躋初志或渝爾諸生壘鹽攻苦之閭修絃誦鼓篋之素業亦既有年殆需次若縈綦衛身若拱璧得預推轂之選豈不憂憂乎難哉嚮猶蹙蹙鄉校耳茲且從西南萬里外鱗集闕廷以奉大對姑勿遠引董廣川

公孫平津之以儒術晚振試恭繹明詔敦重經明
行修之彥諄摯殷篤如此一介寒雋思以應維新
之運稱旁求之旨奈何妄自菲薄爲諸生勉旃余
有一言醮諸生脫穎者曰美成在久更益一言醮
諸生祝轅者曰堅樹在始曩時畿省士彙選膺貢
借之羽翼鵠起高第者摩天去矣諸生何讓焉挾
斯以往益務砥躬行誼精心經術猶渥洼之駿歷
九坂而不虞蹶也純鈞之劍經百鍊而不虞折也
灑濯磨礪尚期與中原豪傑旗鼓相當毋擲長才
於短馭毋墮壯志於末途庶不負聖天子惓惓作

西垣先生集

卷一 序

五

人所械樸而葑菲也者乃斤斤齒讓相先余獨嘉
許而序之者何居書不云乎惟不矜莫與汝爭能
惟不伐莫與汝爭功願諸生樹鉅揚鴻以壯猷摬
謙克讓以挹度寓內人士且將讓能遜烈莫之或
先諸生盍自廣焉第云排鴈行逐蝸名紀一時同
升之邁非余所以敘茲錄意也

蘇松武舉鄉試錄後序

代

茲歲丁酉之冬侍御秦公遵制闢武闈集吳四郡
勲胄家子臨校之得若干人某不佞廁陪末役事
竣當以一言綴申簡後竊惟文武並用遞相懸衡

西垣先生集

卷一 序

六

天下安注意相天下危注意將昔譚尚之夫六合
砥平橐弓臥鼓優游矩步藻飾有餘世恒簡重文
四郊多壘思睹摧陷廓清之烈始盱衡扼腕亟須
將材益其勢使然顧泰寧久而釁孽生觴重者漸
弗克維其盛亟須者頓未易振其弛天下脊脊多
故敵每坐此我國家威靈遐暢用以北拒敵南訐
寇無日不討軍實而申儆之亦無日不淬意氣而
摩厲之當是時惟以殉國爲榮保軀爲辱自隆萬
以還天下晏然無一開隙之端於是左干戈右文
墨與時恬嬉斯視軀重矣如武科之設循故事充
解額而進隸試於江南北者地且分部爲三升籍
於大司馬者人或積科至三而屈指其間建勳秉
鉞克樹壯猷能幾何人按錄則束牛腰課績僅同
蚊翅則淡嘆國士之難竊爲諸武士耻之而詰所
推轂則誰爲政又惡能自解免頃關白小醜日厲
兵馬謀內向聖天子至不愛微侯之印以延猛士
而當事者亦競虛上賓之禮以招異等乃茲合四
郡士而不佞獲寓目焉今日之事臣爲政職弗預
格外募奇而坐令轂中失俊可乎則當攤卷品士
時共諸執事仰天籲曰嗟乎安所得熊羆不二心

之輩號闕不顧身之臣慰宵旰拊髀吾儕庶藉手
以漸滌前辱夫保軀之與殉國士稍知分義當去
彼取此而率多碌碌何耶士有二敗不閑技擊者
北不諳韜鈴者北今翺翹怒馬且射且馳白羽星
落步射之法旅升耦發引滿而破的則走阪穿楊
之技孰踰其閑習掩闥而第其操觚業輒娓娓指
畫形便決筭成敗帷幄之謀瞭然指掌則將苑心
書之文孰踰其曉暢不佞奉令甲惟謹文能發明
古兵法而射又中者悉收之其射中多者卽文不
副亦收之一切務責實而黜虛談凡以冀徇國之

西垣先生集

卷十序

七

士出於其間夫馬試險則駑駿別刃試堅則鋼鉛
見方今羽檄徵發烽燧傳警行將有試矣會須以
戈擊賊直問戰當何如固志士馳騫之秋而致命
之日也若而人中必有窺左足而先應者不佞何
敢薄待東吳士蓋聞臣之於君譬則手也夫手上
以脩頭下以脩足鎡鄒傅體則手搏而扞之爲人
臣奈何務自完哉昔有轂鳴而車右請死曰吾惡
其無禮於君也又有身赴敵軍願扑一人捽一人
而斷脰決腹者之兩者智計至短淺也而臣節凜
焉何也以一念之忠足尚也諸武士惟抱此一腔

忠念賈其餘勁以靖疆場可與語事君矣願相與
共懋勉之如曰彼仍以武事求而吾第微一充籍
之光耳則何异盛鶴列於麗譙展騏驎於緇壇也
豈今須材意乎不佞所爲勤拳諄摯以醮多士止
此若稱引吳產連類山川多士諒稔耳之無庸贅
牘矣

觀風錄後序

乙未秋爲侍御鹿公按吳之浹稔肅共簡命惟謹
且藉手報政矣仍遴集所部士試枕之尤雅馴者
彙梓以傳而顏其錄曰觀風稱風者何蓋昉諸詩

南垣先生集

卷十序

八

如所臚列十五國皆繫之風云嘗讀班氏史凡民
函五常之性其剛柔緩急係水土之風氣故竅於
聲詩而一方之習俗人心不啻隔垣而洞五臟嫩
隱靡掩傳曰君子賦之以見其志小人歌之以貢
其俗聖人采之以觀其變延陵季子負劍觀風而
指其謠俗著其興替曙於觀火昔譚尚之代而降
也風雅寢聲莫或抽緒而人心元韻僅洩於博士
家言以覘其微束以方幅程以帖括要自心而扞
之其學有融塞材有良楮識有庸儁按牘以射覆
不爽一二何者士固四民之所推以爲鋒而博士

家言一代功令率軌諸此沿隱以至顯因內而符外卽負延陵宏覽之識舍是無觀耳吾吳故號才藪自震澤海虞毘陵三君子者後先相望狎主齊盟四方尸而祝之相詫以爲指南之車維北之斗者儼然吳產也乃風會所激踴厲噴薄命物以寫貌而或跳之鈎棘嘔心以抉理而或匿之艱澹漆園柱下酷意臨摹非不決決乎大風也哉先民之程逝其遠矣侍御公持斧而南來巡茲土其於刑章吏牘兵籍計簿廩廩一票三尺靡隱弗燭靡蠹弗剔雅念東南重地其民力爲國家根本士尚爲

西垣先生集

卷一 序

九

郡國前茅旣拊循凋敝以劑脉之後揚抗風雅以藻飾之目擊文敝重有憂焉謂隨習雅化象上之指者惟士端標定趨使士知軌者惟上文極而靡沿習使然第患無以風之耳吾無所與於取士而職在風士故輶軒所經首進青衿而試之退而提衡以差次其甲乙梓其茂材異等嫻於辭而不詭於理者傳之其人以示型焉寧芳掇葩務集羣髦其得與於茲考者毋隘也籲揚陶冶庶得瑰瑋其得與於茲錄者毋濫也錄成以示不佞因得而卒業雖言人人殊大都積學以儲寶酌理以富才因

物騁辭性靈無壅型范於矩矱而轉圜之機獨運也借響於秦漢而超妙之解獨詣也蓋操正以馭奇非逐奇而失正間有孟浪揮霍弗克熨裁就矩者直擺指退焉余乃盱衡擊節訝侍御公頓化之神而吳人士速肖之極何灑然一變至此哉則又竊解乎風之說矣夫風發於青蘋之末悠然細也少選而蓬蓬然條被千里物觸之而動者偃闕者暢噓生吹枯有莫知其朕者夫上觀士士亦觀上風之所披雖漸靡難挽風之所始則搏抔易移侍御公之所以風士者謂何士有弗厚自浣濯稟於

西垣先生集

卷一 序

一

雅馴者非夫也雖然衡材鑑士茲其一班耳而公實澡身浴德韻宇壁立志度淵澄抱惓欵之純忠鎮之以不擾殆有禔躬於秉政之先而型士於校稅之外者其鼓芳風以障茅靡豈虛哉請執此券以俟將必有異才甄鑄嗣儷震澤諸君子以成公樹人之名某庶幾遇之而贅申末簡獲竊附於知言之誼其所割艷綦厚矣

通鑑捷徑評解序

文中子之言曰史之失遷固始也記繁而志寡余曰否否唯唯夫史匪徒據其故實而務繪其神情

故詞有複而不刪事涉瑣而靡遺去今千八百年而談漢事如昨繫二史之神采奕奕常新也然自東京以旋而史通蕪矣卽名爲好古博雅之儒往往不能標其帙以卒其亂束而度之高閣則記繁志寡未可訾遷固而史林一鍼斯言足蔽之涑水氏倣編年例遡鴻荒迄五代有通鑑之作嗣復以宋元踵而成之而千古之元龜指南具在是矣是

書布列學宮而青衿應制科者猶苦卷帙之浩繁童習白紛雖家挾笏蹄而或啓岐路吾黨張仲譽之潛心史學也目佃恣蒐腹笥貯特憫單門僻

西垣先生集

卷一序

十一

學不得其要領輒窮丹鉛之用句摹字摘約以四帙而下上千古括囊殆盡至於褒讚品隲且兼撮諸家以折衷之註釋詮詁復旁搜羣籍以參互之俾按一代之蹟無舛於體裁究一事之歸無昧於辭法蒼而成書題之曰鑑徑評解令衿髦之子稍知習伊吾握鉛槧者一開卷而獲寓目焉瞭然若適越之必南其轅更無迴迴踟躕於多岐之轍也乃或以割裂掛漏爲仲譽病者余爲之解曰是不然夫汎濫於宣牒之學渺闕猶將忒候而土圭測景則周天掌上彷彿平方輿之勝重趺或虞易嚮

而聚米陳形則千里目前仲譽芟蕪就簡以勒成一家言殆筆端有量天縮地之妙用焉津津乎超東京乘而鑪錘於子長孟堅間液而吸采其精鏐真得史學之心印哉蓋仲譽有是纂而四方學士麋集於其門業以梓布更欲得余一言標其指余心領之而碌碌久逋迫歲暮而始踐諾責爲敘其所以而歸之

許叔子制義序

今學士頡頏世資屈首而攻鉛槧之業攜摭蜃變蓋人挾靈蛇之珠而家懷和氏之璧矣要之愜心

西垣先生集

卷一序

十二

爲當無取標門戶樹頤頤爭詫以奇其敷英揆藻一自心而抒之斬乎適焉耳竊惟書契以降斯道彌繁其間立言之士登高能賦山川能祭師旅能誓喪紀能誅作器能銘意製相詭氣法不倫夫非因物騁辭情靈無壅者乎嘗試與子蒐詞林泛菰海恍見赤霞蔚起紫瀾橫生靡不灑然以適者乃知天下鉅麗之業無右於此明興屏絕諸家麾黜衆體專以帖括程士申束之以尺幅士斤斤頽首國制飾羔鴈以媒進異軌同奔邇相師祖各極其才情所至爲界然往往才情未至而有侈心焉雕